



টি-টোয়েন্টি সিরিজের প্রথম ম্যাচে বাংলাদেশকে ৭ উইকেটে হারিয়ে এগিয়ে শ্রীলঙ্কা



সংগৃহীত ছবি

তিন ম্যাচের টি-টোয়েন্টি সিরিজের প্রথম ম্যাচে স্বাগতিক শ্রীলঙ্কার কাছে ৭ উইকেটে হেরে গেছে বাংলাদেশ। ক্যান্ডির পাল্লেকেকে আন্তর্জাতিক ক্রিকেট স্টেডিয়ামে অনুষ্ঠিত এই ম্যাচে ১৫৫ রানের লক্ষ্যে খেলতে নেমে ৬ বল হাতে রেখেই জয় তুলে নেয় লঙ্কানরা।

টস হেরে ব্যাট করতে নামা বাংলাদেশ ২০ ওভারে ৫ উইকেট হারিয়ে সংগ্রহ করে ১৫৪ রান। ওপেনার পারভেজ ইমন করেন সর্বোচ্চ ৩৮ রান। তার পাশাপাশি নাইম শেখ ৩২ এবং মেহেদী হাসান মিরাজ ২৯ রান করেন। ইনিংসের শেষ দিকে শামীম হোসেন পাটোয়ারির ব্যাটে কিছুটা গতি পায় বাংলাদেশের স্কোরবোর্ড। মাত্র ৫ বলে ২টি ছক্কায় ১৪ রান করে অপরাধিত থাকেন তিনি।

লঙ্কান বোলারদের মধ্যে মাহেশা থিকশানা নেন ২টি উইকেট। একটি করে উইকেট শিকার করেন থুশারা, শানাকা ও ভেভারসে।

লক্ষ্যে ব্যাট করতে নেমে শুরু থেকেই আক্রমণাত্মক ব্যাটিং করে শ্রীলঙ্কা। পাথুম নিশাঙ্কা ও কুশল মেভিস মিলে গড়েন ৭৮ রানের জুটি। ১৬ বলে ৫টি চার ও ৩টি ছক্কায় ৪২ রান করেন নিশাঙ্কা। মিরাজের বলে রিশাদের হাতে ক্যাচ দিয়ে বিদায় নেন তিনি।

এরপর কুশল পেরেরা যোগ দেন মেভিসের সঙ্গে। তিনি ২৪ রান করে রিশাদের বলে আউট হন। মেভিস একপ্রান্তে অবিচল থেকে ইনিংস এগিয়ে নিতে থাকেন। ৫১ বলে ৭৩ রানের একটি কার্যকর ইনিংস খেলে আউট হন তিনি, যখন জয়ের জন্য প্রয়োজন মাত্র ৭ রান।

শেষ দিকে চারিথ আসালঙ্কা ও অভিষ্কা ফার্নান্দো দলের জয় নিশ্চিত করেন।

বাংলাদেশের পক্ষে একটি করে উইকেট নিয়েছেন মোহাম্মদ সাইফউদ্দিন, মেহেদী হাসান মিরাজ ও রিশাদ হোসেন।

সিরিজের দ্বিতীয় টি-টোয়েন্টি অনুষ্ঠিত হবে আগামী ১৩ জুলাই, ডাম্বুলায়।